

Kementerian Kesihatan Malaysia
Aras 2, Blok E3, Parcel E,
Pusat Pentadbiran Kerajaan
Persekutuan
62590 Putrajaya

Tel : 03-8892 4527
Faks : 03-88924526
Email : noraryana@moh.gov.my

KENYATAAN AKHBAR KEMENTERIAN KESIHATAN MALAYSIA

KEMENTERIAN KESIHATAN MALAYSIA AKAN BERTINDAK KE ATAS ROKOK ELEKTRONIK YANG MENGANDUNGI NIKOTIN MENERUSI AKTA RACUN 1952

Baru-baru ini terdapat beberapa isu berkaitan Vape di media sosial serta di surat khabar. Kementerian Kesihatan ingin menjelaskan pendirian berkaitan perkara ini.

Untuk penjelasan penerangan ini, peranti elektronik yang mengandungi nikotin adalah dirujuk sebagai ‘rokok elektronik’ (eCig), sementara yang tidak mengandungi nikotin, adalah dirujuk sebagai Vape .

Penjualan dan penggunaan rokok elektronik (yang mengandungi nikotin) adalah tertakhluk kepada peraturan dan undang-undang di bawah Akta Racun 1952 dan Akta Makanan 1983 (Peraturan-peraturan Kawalan Hasil Tembakau 2004). Oleh yang demikian, edaran, penjualan dan penggunaan rokok elektronik adalah tertakhluk kepada peraturan dan undang-undang seperti di atas.

Sehingga ada sokongan kajian saintifik yang cukup dan jelas menunjukkan bahawa kebaikan penggunaan rokok elektronik mengatasi keburukannya, KKM masih cenderung untuk melarang rokok elektronik, seperti yang disaran oleh *World Health Organisation Framework Convention on Tobacco Control* (WHO FCTC) dan *International Union Against Tuberculosis and Lung Disease*.

Untuk Vape pula (tanpa nikotin), Kementerian Kesihatan Malaysia menasihati agar semua pengguna untuk berhenti menggunakan vape dan kepada bukan pengguna agar tidak memulakan tabiat yang merugikan ini. Kementerian ini tidak menyokong amalan yang menyebabkan bahan asing disedut ke dalam paru-paru, hanya untuk keseronokan, tanpa diketahui kesan kesihatan jangka panjang. Kini terdapat pelbagai bukti kajian saintifik menunjukkan bahawa vaping (tanpa nikotin) juga boleh menyebabkan kemudaratan kepada tubuh badan^{1,2,3}. Kementerian ini tidak akan sama sekali menyokong amalan yang tidak sihat ini.

Perokok haruslah berusaha untuk membuang ketagihan nikotin dengan mendapatkan rawatan berhenti merokok daripada Perkhidmatan Berhenti Merokok di klinik-klinik dan hospital kerajaan atau mana-mana badan profesional yang lain.

Kesan kesihatan amalan Vaping mungkin tidak akan diketahui sehingga bertahun-tahun lamanya dan mungkin akan tiada apa yang boleh dilakukan pada waktu itu untuk memulihkan kesan kesihatan yang berlaku.

Oleh itu, Kementerian Kesihatan Malaysia meminta agar orang ramai menolak amalan Vaping dan Rokok Elektronik, demi untuk menjaga kesihatan diri, anak-anak dan generasi Malaysia yang akan datang, dari kemudaratan kesihatan dari gaya hidup yang tidak sihat.

**DATUK DR LOKMAN HAKIM BIN SULAIMAN
TIMBALAN KETUA PENGARAH KESIHATAN (KESIHATAN AWAM)
KEMENTERIAN KESIHATAN MALAYSIA
PUTRAJAYA
4 November 2015**

Rujukan

1. Schweitzer K.S. et al. 2015. Endothelial disruptive pro-inflammatory effects of nicotine and e-cigarette vapor exposures. *American Journal of Physiology - Lung Cellular and Molecular Physiology*. DOI: 10.1152/ajplung.00411.2014b
2. Rowell T. et al. 2015. Electronic Cigarette Flavorings Alter Lung Function at the Cellular Level. *American Thoracic Society (ATS)*.
3. Vardavas C.I. et al. 2012. Short Term Pulmonary Effects Using an Electronic Cigarette. *Chest* 141:1400-1406